

明善堂詩集卷十五目錄

戊辰

西苑晚歸

隨

駕東巡曉發都門作

曉發盧村

任邱對雪

雪霽河澗道上二首

東昌道中桃李盛開喜成二絕句

隨



駕闕里謁孔廟恭紀六韵

隨

駕謁孔林

謁周公廟

望岱

登岱

登岱絕頂

曉起從峯頂循級而下

遊歷城張氏漪園題壁

趵突泉用趙文敏詩韻

對月

雨窻閒坐

夏日西苑道中

中元前一日山館立秋卽事二首

秋日雨中賞花偶成二截句索友人和

雜興二首

雨後偶成

秋日遊園中作

至普覺寺同明上人話禪

過萬壽寺訪調上人不值恭和壁間

御製詩韵留贈

梅墅早起觀紅蘭主人畫冊因成

冬夜懷吳价人作

明善堂詩集卷十五 戊辰

西苑晚歸

暮色蒼茫裏郊原籠澹烟遙岑殘照斂蕭寺遠鐘
傳鴉點春林迥橋迴野岸連歸途幽興愜吟思晚
風前

隨

駕東巡曉發都門作

輦路千官肅春城綵仗齊瑞雲浮絳闕芳甸躍龍驪
晴日東風暖平川烟靄迷歡欣同仰望童叟共扶

携
曉發廬村

遠山含宿霧野水帶溪橋旭日明霞表和風散柳
條曉鴉飛作陣百舌語偏嬌扈從春光好山行未
覺遙

任邱對雪

陰雲四野合一望白漫漫密似飛春絮輕於翦素
紈連塍銀積迥綴樹玉梅殘俄頃欣開霽初添景
色寬

雪霽河間道上

霽色邀清爽長途淨少塵風迴瀛海驛冰泮綠楊
津雲岫呈空翠鶯歌弄好春垂鞭情脈脈縱目重
逡巡

春畦新積素滿目盡瓊姿晨起垂鞭遠塵清風靜
時雲屯畫中騎柳散陌間絲覽勝吟懷好東皇日
馭遲

東昌道中桃李盛開喜成一絕句

殘月疎星客夢闌征人不禁曉風寒春來開遍閑

桃李却在陽平馬上看

東風吹軟綠楊津村落行來畫意新
緩轡徘徊停畧約爲憐濃艷鬪芳春

隨

駕闕里謁孔廟恭紀六韻

齋肅隨

鑿輅言登夫子堂尊巽傳舊典禮樂溯前王舞羽交
廷陛豐碑歷漢唐諸生成咸濟濟古榦鬱蒼蒼萬世
師儒表千秋道統張吾

皇崇聖教

臣喜傍宮墻

隨

駕謁孔林

森森古木交蒼翠春雲平欣隨

豹尾來寶埒佳氣榮玉螭接

輦路似帶洙水橫龜蒙爭聳秀岱嶽實鍾英展拜石
臺旁仰止心徒傾回看廬墓處剜蘚讀碑銘

謁周公廟

殿開遺跡古靈光林木葱葱石蘚蒼世室三元勳垂

明善堂詩集 卷之十五 三
宇宙卜年令緒賴匡襄
幽風述德開基遠
洛誥勤民沛澤長
肅拜袞龍情備切
千秋禮樂自難忘

望岱

停驂奉符城遙望雲棲處
一氣混茫間諦視疑無
路昔曾仰田盤茲焉勝
殊度安得乘風翔登巔
一題句

登岱

蠟屐試攀援不憚路阻
修徑轉歷天門靈境豁
雙眸浮橋繚而曲松壑
清且幽扶筇此延佇
眼底嵐

烟浮

登岱絕頂

稽首禮諸天得讀上古碑
盤旋登絕頂縹緲天風
吹吳門望如練瀛海目
中規躅步日觀峯恂恍
不自持卓哉孔子言身
試心無疑佳勝難縷述
何能舉一詞仰視但青
天旁瞻雲四垂慰予夙
昔願清歡浩無涯

曉起從峯頂循級而下

昨宿白雲峯早起覓歸境
紛紛雲氣橫千岩成一

明言堂詩集 卷之十五 四
屏鬱鬱澗底松清寒增畫景不嫌跋涉勞真趣恣
吾領

遊歷城張氏漪園題壁

韶麗三春景輕盈薄靄天拂闌煙柳弱照水露桃
妍到處疑濠上誰圖勝輞川竹樓留咏句逸興自
翩翩

趵突泉用趙文敏詩韵

空明靈境接虛無一片寒光照玉壺氣與乾坤常
不息源深江海未教枯流雲湧月開仙界濺雪跳

珠入鵲湖坐石觀瀾情更愜歸途吟咏興非孤

對月

小苑深沉好送春月移花影度墻陰蕭閒清夜開
懷處露坐湖山獨自吟

雨窓閒坐

鷺見簾囊雨悠然掩竹扉爐烟閒裏趣鳥語靜中
機風過花香動心澄道體微遙知濃綠外霑灑滿

皇畿

夏日西苑道中

明言堂詩集 卷之十五 五
曉行西苑路曠宇迥無塵樹繞長堤合蟬吟高柳
新芄芄秋黍茂漠漠野鷗親對景添幽興與中覓
句頻

中元前一日山館立秋卽事

新涼亭館暑初回一逕蛩吟碧澗隈忽見陰雲生
遠岫山村風雨送秋來

喧豷蛙鼓繞閒庭徙倚堦前心意清此夜梧桐消
息到人間無處不秋聲

秋日雨中賞花偶成一截句索友人和

簾前白雨影紛紛滿院秋花靜掩門最是消閒塵
慮少伴人蛩語在墻根

淺碧深紅照綺窓穿花蛺蝶一雙雙凭闌聽徹芭
蕉雨牽惹吟情未許降

雜興

焚香酌茗閒中趣絕似清幽處士家盡日開襟消
俗慮呼童滌硯換瓶花

海棠深院綴秋光金粟飄飄靜有香午睡醒時人
跡少繁音繞戶叫寒螿

雨後偶成

翠竹搖清影金風度晚涼
行來苔徑滑坐處桂花香
逸興託幽侶閒情寄短章
簷前敲鐵馬秋色正蒼蒼

秋日遊園中作

深林下木葉掃逕邀良朋
秋花繞庭妍秋砌寒蛩鳴
際此風日好靜挹溪山清
極目沈寥天松籟發幽聲
高談愜雅趣探勝恣豪情
返照滿前山心慵嬾送迎

至普覺寺同明上人話禪

偶訪招提境西颺葉落稀
溪聲穿石溜山矗任雲飛
暇日尋初地宗風闡道機
暫時幽賞處暮色映禪扉

過萬壽寺訪調上人不值恭和壁間

御製詩韵留贈

欲尋微妙旨乘輿出郊遊
逕轉疎林遠秋深落葉稠
高松雲外迥峻嶺望中收
惆悵鞭歸騎清泉繞澗流

梅墅早起觀紅蘭主人畫冊因成

幾見霏霏雪瑤華清景饒老梅香乍吐小鼎火微
消偶展殘縑玩天然設色嬌詩情兼畫意欣賞及
寒朝

冬夜懷吳价人作

歲宴寒威肅霜飛夜色蒼思君重行役望遠一徭
祥踏雪馬蹄疾梯雲蜀道長中宵頻徙倚耿耿意
難忘

明善堂詩集卷十六目錄 巳巳

初春雪霽郊行

松

鶴

雪

月

初春四宜齋晝憇

春夕

四宜齋枕上作

晚步四宜齋

寒食雨窻山舍

遊石徑山寺

暮春四宜齋偶興

初秋隨

駕發暢春園恭紀

長山峪卽事

至熱河宿恒玉山園月下偶成

行營坐雨遣興

歸途宿密雲

山村同芄野范生夜話

雪意

憇松栢菴同省上人談禪

宿松栢禪林晤耕烟陳子賦贈

冬日讀晴江林師太常集題後二首

踏雪郊行

書齋對雪

寒夜口占 得不字

明善堂詩集卷十六 巳巳

初春雪霽郊行

荒林凝宿靄晨色動雙眸殘雪平疇滿輕烟遠岸
浮溪光隨馬度霽景逐雲流到處欣相賞春風爲
我留

松

亭亭歲寒姿移向閒庭補濤聲夜半驚清影簾間
舞獨與梅竹鄰貞心含太古試問蒼髯公可與幽
人伍

鶴

一聲清唳長氈氈廊間舞躑躅步階除
倏然刷翎羽伴我自朝昏翱翔棲別圃
讀罷焚名香曼曼避烟縷

雪

皚皚下廣庭宛然玉龍鬪積素繞光漫
遍染園中岫寒輕侵戶扉擁爐句初就
隨風勢飛揚映澈梅枝瘦

月

晴空湧玉輪寒光拂面冷照澈冰雪天
清娛忘夜永舉杯欲邀之三人共形影
高歌興未闌銀漢常耿耿

初春四宜齋畫懋

愛此奇石佳亭午松陰靜野鶴似窺人
觸目成幽境呼童汲清泉風度漏聲永
悠然養谷神塵懷一時屏

春夕

松鶴閑庭日已斜垂楊烟色襯殘霞
一尊坐到更

深後為看溪邊月印花

四宜齋枕上作

息倦悠然臥竹床遙傳銀漏轉迴廊無端喚醒幽齋夢鶴唳一聲清夜長

晚步四宜齋

飯罷步庭除閒倚青松下拂面和風吹境寂似原野奇石列參差位置絕清雅吾亦愛山林即景意瀟灑

寒食雨窓山舍

風雨逢寒食山窓將霽天天桃渾欲語嫩柳未成烟拂檻巒光罨如茵草色芊就中圖畫似小坐却悠然

遊石徑山寺

岌業如來鏡瞻依古道場蟠松滴空翠潭水瀉清涼苔蘚侵碑字烟雲臥石梁平生山水癖遐眺倚斜陽

暮春四宜齋偶興

流鶯清韻繞芳樹午陰圓遠岸飄紅雨輕風托柳

明言堂詩集 卷之十一 三
烟開軒晴晝永覓句逸情偏靜驗忘機趣心安得
自然

初秋隨

駕發暢春園恭紀

初秋晴旭映龍旗萬騎雲騰望裏移正是

聖皇勤講武巡方盛事紀風詩

雨洗青山 玉仗前黃雲覆隴亘長天西成有兆

人民喜遙聽華封祝聖年

長山峪卽事

縱目山容詩興豪塞垣秋色透征袍竭來徙倚長
林下絕磴奔流雨後濤

至熱河宿恒王山園月下偶成

月出東山上名園夕景多秋聲振林薄詩思寄巖
阿只有清光滿其如旅夜何步櫺一眺覽涼吹動
簾波

行營坐雨遣興

擅廬靜坐雨空濛相對寒山萬樹楓一片烟鬟迷
獵騎幾重瑞靄繞離宮爐香椀茗消閒日索句敲

詩寄遠鴻風急塞垣秋欲老羈情無限暮雲中

歸途宿密雲

赤縣神臯近寒鴉噪戍樓晴山含夕照碧澗亂溪
流野寺疎鐘動荒郊夜氣浮歸期應不遠黃菊正
清秋

山村同芑野范生夜話

寂寂荒村夜高吟興不禁挑燈逢客舍展卷得同
心曠達懷蘇白雄談辨古今清娛閒坐久蓮漏報
更深

雪意

日脚癡雲埋雪意迷川谷低罨小溪橋遙映田間
屋行圍原野中恍疑飛滕六明朝怯祁寒策馬前
山麓

憇松栢菴同省上人談禪

衝寒歸馬急踏月叩禪扉老樹標三逕香雲繞四
圍深談知道力妙蘊轉清機悟得拈花旨更闌燭
影微

宿松栢禪林晤耕烟陳子賦贈

明善堂詩集 卷之十六 五
良友經時別烟霜歲月更相逢重問訊高論愜平生
儒術崇稽古騷壇樹令名香林燈火夜懇款有餘情

冬日讀晴江林師太常集題後

太常廿載我儒師珠玉胸羅冰雪姿彩筆傳天飛
鸞鷲高才拔地出蛟螭春秋花月娛清賞山水繁
華騁妙詞一自夜臺魂夢杳搗來揮涕讀遺詩

月映紗窓梅影芬研尊品格獨超羣雪消蜀棧巴
江路秋滿淮流楚岫雲壑日才華歸夙慧翻瀾議

論飽遺聞殘膏賸馥多沾漑慙愧當年教澤殷

踏雪郊行

紛紛如絮滿山腰積素川巒望裏饒詩思滿懷天
欲曙衝寒踏雪過溪橋

書齋對雪

一聲響壓窓前竹高下亭臺總玉鋪漫撥爐烟添
獸炭幽情何異剡溪圖

寒夜口占

得不字

斗室燈窓裏梅花伴案頭一庭殘雪影相映月光

浮燭炮宵偏永詩成境轉幽寄言二三子清賞似儂不

明善堂詩集卷十七目錄

庚午

上元前一日宿園見窻間竹影偶成

園中晚興

春日鶴閒花靜齋偶興

花朝

西窻對雨

西軒午霽同內子茶話

蝶菴偶成東內子

蜨菴對雨

明善堂詩集 卷之十一
暮春郊外早行

書齋早起

先父王廿週忌辰感賦一律

夏日張監園亭題壁

西郊早行

消夏閒咏二首

病中夜雨遣興二首

雨窻憶宜峯鶴亭韶亭秋岑諸子

病中登樓示內

入直 瀛臺遇韶亭七表弟口占贈之

晚步

寄宜峯秋岑鶴亭韶亭

湖上山樓遠眺

夏日偕內子含輝堂垂釣

初秋雨窻曉望

初秋遊賞西園有作

初秋西軒雨窻全內子晚坐

中秋前雲林書屋偶興

中秋玩月

西軒秋夕

西園秋日偶成八韵示同人

秋夜聞雁

深秋遣懷

月夜登消慮峯

月夜遣懷

冬夜四宜齋偶興

冬日郊外卽景

村晚

旅夜柬寄

長至日雪中郊行

雪霽歸途有興

山村曉起

將至都卽所見漫成

再至松栢菴晤省上人

明善堂詩集卷十七

庚午

上元前一日宿園見窻間竹影偶成

紛披竹影橫窻際
明月今宵憇小園
此景蕭疎最清絕
勝他烟火管絃繁

園中晚興

一片湖光映草廬
雪消青色藹平蕪
烟含秀嶺春林晚
猶覺輕寒坐擁爐

春日鶴閒花靜齋偶興

窻明几淨著閒身
心迹探幽遠俗塵人
靜鶴窺松

逕曲風輕花舞草堂春半簾晴色凝書幌一片嵐
光接綉茵自喜愁懷都屏却焚香啜茗足怡神

花朝

花朝逢社日韶景映庭軒草色碧侵徑春風吹滿
園燕飛尋故壘蝶舞鬧晴暄生意看如許寧惟桃
李繁

西窓對雨

息却機心祇自知窓前閒對雨如絲呼童撥火烹
茶熟風過瓶花寫硯池

西軒午霽同內子茶話

鶴窺庭畔影如銀花滿閒堦香襲人更愛雨餘塵
不到烟鬟如洗望中新

蝶菴偶成東內子

春光明媚草堂前斗室端居似坐禪數卷圖書欣
靜賞一庭花柳恰爭妍烟迴古鼎香痕細漏轉清
鐘午韻圓此際風晴消萬慮會心不覺得空詮

蝶菴對雨

風輕兼雨細庭院迥無塵飛燕歸巢急繁花鬪彩

明善堂詩集 卷之十七
新香清常繞室鶴靜欲窺人萬慮閒窓息莊生蝶
夢親

暮春郊外早行

野曠星稀露未乾沿堤春水引清湍幾雙輕燕穿
新柳一塢歸雲罨翠巒待渡士人紛駐馬隔溪舟
子溯迴瀾經行不覺塵偏淨小隊朝來縱目寬

書齋早起

晨起簾前坐輕鐘報曙初胸無塵外慮案有讀殘
書鳥韻當窓哢林花帶露舒悠然生趣滿樂意自

如如

先父王廿週忌辰感賦一律

廿年憶念悲何極想像音容有夢知風木幾曾埋
夙恨梧捲相對繫煩思趨承庭訓違顏早繼述前
光接武遲展謁寢園悽愴切松楸沾灑淚如絲

夏日張監園亭題壁

園亭粉蝶影雙雙輕拂簷牙傍碧窓藥圃靜聞香
細細菜畦時見水淙淙風吹柳岸迎歸騎人叩荆
扉起伏龙此日晝閒成小憇含毫那便擬如江

西郊早行

不出西郭門不見西山勝朝來露氣收一片烟鬟
淨新蟬咽咽鳴夏木陰陰靜拂面輕風來流覽悅
吾性

消夏閒咏

風過疎簾午漏初吾廬高枕愛看書日長儘有清
幽趣藥圃花畦手自鋤
畫廊深處倚闌干小草芳花仔細看殘雨忽教虹
截去清風徐吹覺輕寒

病中夜雨遣興

銀燈吐焰黃昏後藥果茶鐺靜作緣一枕匡牀聽
夜雨寂寥情況自相憐
嗜好從來在典墳瓣香往哲有知聞庭前點滴芭
蕉雨牽引愁心到夜分

雨窓憶宜峯鶴亭韶亭秋岑諸子

白雨墮檐前紅榴色映軒千山空駢黠一鳥自飛
翻涼入梧桐牖風來菽豆原寄言舊朋好何日過
吾門

明言堂詩集 卷之十七
四
病中登樓示內

雨過天初霽微風度小樓凭闌無限思閒咏欲消
愁嵐氣遙岑歛晴光空際浮登臨一相賞烟景日
前收

入直 瀛臺遇韶亭七表弟口占贈之

自喜逢人便說詩偶因公暇得心知曲闌小坐凝
眸處烟鎖晴光太液池

晚步

散屐斜陽下消閒晚飯餘豆花經雨落藥圃喚童

勸境淡從吾好心清得自如枳籬三徑曲城市卽
山居

寄宜峯秋岑鶴亭韶亭

蘭飄香氣竹生孫庭際高梧碧映門清景閒中一
消受半窻風雨近黃昏

湖上山樓遠眺

碧樹圍如冪晴峯列似屏藥欄眠粉蝶漁艇鎖烟
汀卽景意岑寂悠然悅性靈凭欄縱目處遠色自
冥冥

明言堂詩集 卷之十一 五
夏日偕內子含輝堂垂釣

把釣風潭上溪山儼畫圖
遠烟開積雨濃綠滿平蕪
荇藻含生意濠梁得自娛
偕遊耽逸趣小立漫踟蹰

初秋雨窻曉望

昨宵一葉報初秋
曉起秋光竟滿眸
几靜窻明方暇
日庭前新溜看浮漚

初秋遊賞西園有作

西軒幽勝似巖阿
暇日尋遊躡屐過
籬豆花香蛩

語細新涼風景入秋多

初秋西軒雨窻全內子晚坐

數點西窻雨蛩聲報早秋
芰荷還泛泛黍稌正油油
室靜香烟細心閒詩思幽
開窻共凭處暝色下岑樓

中秋前雲林書屋偶興

空堦瑟瑟涼飈起
節近中秋香滿園
水畔蓼花紅歷亂
簾前蝶翅影翩翩
候分梧井陰初合
溪遶柴門日正暄
無限清幽堪縱目
垂垂薜荔映蓬軒

明善堂詩集 卷之十一 六
中秋玩月

桂花叢處湧冰輪香滿清光淨點塵祇有吟情娛
此夕恨無仙樂悅 慈親樓臺倒影烟痕細杯筌
搖金月色新宴罷曲闌閒共玩漏深涼吹襲衣巾

西軒秋夕

織雲斂高空拂拂金風冷西軒清且幽入夜氣逾
靜蛩吟秋草根月挂疎桐影悠然證道心萬慮一
時屏

西園秋日偶成八韻示同人

秋色已平分蟲羽音如訴田禾將登場籬豆尙滿
圃折花眠蝶驚撫樹馴鶴顧卽景信可娛悠然朝
復暮况值沈寥天陰雲四野布瑟瑟振商飈垂垂
飛珠露不覺俗慮忘飯罷時閒步西軒風景佳一
任流年度

秋夜聞雁

風冷堦閒夜靜初數聲雁唳度吾廬秋光老去關
河遠一幅瀟湘夜雨圖

深秋遣懷

明言堂詩集 卷之十一
心情咄咄欲書空閒却風光卅載中今日凭欄秋色老夕陽天外送飛鴻

月夜登消慮峯

月明院宇曠散步陟峯頂清霜夜氣寒披裘不知冷萬籟息囂氛木落風初靜縱目意灑然幽懷寧暫屏

月夜遣懷

霜天明月漏聲初小立中庭興不孤吟思偶來敲短句頓教塵慮一時無

冬夜四宜齋偶興

書卷相依好結巢孤輪湧出挂松梢柝聲隱隱飄垣外竹影森森舞檻均畫裏溪山隨玩賞樽前風月任逍遙烟消楫楸茶初熟得句悠然自解嘲

冬日郊外卽景

楓落荒堤野趣饒郊原冬暖雪痕消幾行小隊穿林木一片寒烟斷嶺腰衰草黃蕪盤獵騎斜陽古道映歸樵肩輿緩處心情愜乘興哦吟過板橋

村晚

明言堂詩集 卷之十七
寒鴉棲古木薄暮靄荒原散步茅簷下相看暝色
昏梵鐘飄野寺山犬吠柴門僕從寥寥者幽懷誰
與論

旅夜東寄

楫柁煨殘午夜中茶聲沸處火微紅寂寥一榻山
村裏幾度思君有夢通

長至日雪中郊行

癡雲壓山低朔吹飛滕六緹室動葭灰天心見茅
屋溪橋少行蹤寒鴉集林木一望絕攀躋何處尋

梅麓

雪霽歸途有興

雪後前山絕點塵衝風古道是征人凌寒曉發忻
幽景儼似溪橋畫裏身

山村曉起

曙色凌窻白鄰鷄驚夢初霜寒凝土砌風冷度茅
廬禮佛看香篆安禪味道書難辭征路迥朝日射
籃輿

將至都卽所見漫成

明善堂詩集 卷之十七
九
一鞭將次入都門踏過溪山畫裏村岐路平原人
跡少白頭三五話晴暄

再至松栢菴晤省上人

結契端知有宿因重來非是說風塵祇緣欲解迷
途意特地招提訊上人

明善堂詩集卷十八目錄

辛未

清明前一日雨窻

初夏

東內子

再東內子

園中早起

芝蘭室雨窻偶興

霽後玩月一首

睡起述懷一首

明善堂詩集 卷之十八
雨後含輝堂消暑

晚霽

水亭同內子對雨

含輝堂雨霽

圓靈水鏡亭觀景

偶題游魚秋水圖

新秋日晚雨

初秋月夜乘涼

初秋早坐西軒

秋夕眺望

秋日漫興

初冬至西園

題雪上人小照卽用

桂峯廿三叔父韻二

首

雪霽郊行

明善堂詩集卷十八

辛未

清明前一日雨窻

賣餚人過小樓前
細草蒙茸綠水鮮
最是禁烟春日
晚桃花無賴雨連綿

初夏

平隄殘絮拂簾飛
日午何人欵我扉
花圃有風搖蝶夢
藥欄無露染苔衣
儘堪據石觀澄水
何事登臯送落暉
熟讀南華三百遍
不妨心與俗緣違

東內子

明善堂詩集 卷之十八
一
梨花飄院落月影入虛窓渺渺人何遠悠悠意未
降風輕時撼竹鐘動欲驚龙夜色真無賴敲詩對
玉缸

再東內子

春晚簾垂玳瑁鈎夕陽西下暮雲浮撫琴誰是知
心侶倚檻難舒望遠眸枕畔聞鷄驚短夢鏡中理
髮長新愁襲人芳草情無限直欲分身到玉樓

園中早起

早起心情潔軒開一片涼露凝苔逕潤風過藕花

香宿鳥鳴岩樹眠鷗傍野航遙峯皆拱翠溽暑自
相忘

芝蘭室雨窓偶興

晝永不知暑溪聲鼓浪微庭前時小立逸興逐雲
飛

霽後玩月

明月挂松稍照我胸襟徹雲掩忽無光心情何可
說

清夜絕無塵風細花香靜澄懷仰太空慮少心常

明善堂詩集 卷之十八 二
定

睡起述懷

雲在空中月在天清風颯颯水紋旋疎鐘入夢誰
先覺敲破吾生三十年
曾經覷破塵緣幻無奈塵緣擾一身偶向芳塘看
鏡水始知雲月有前因

雨後含輝堂消暑

池漲新添兩部蛙清幽直似野人家疎簾冰簟清
如許開遍堦前秣利花

晚霽

雨歇長空淨開襟坐水亭魚遊依碧添蛙怒聒新
萍月隱樓頭樹虹垂海外汀苔衣生石壁一望點
深青

水亭同內子對雨

相將小坐水亭空十頃湖光一望中天外鶴鳴雲
漠漠溪邊魚戲雨濛濛四圍綠暗山間樹半畝青
搖草上風暑退軒窓倍瀟灑素心爾我畧相同

含輝堂雨霽

明善堂詩集 卷之十八
三
雲歛奇峯入望遙一溪新水漾晴濤不聞老鶴鳴
邱垤疑有長虹飲石橋苔蘚成茵鋪曲逕松杉帶
露聳層霄碧空如洗山如浴清簾疎簾暑盡消

圓靈水鏡亭觀景

靜裏得靜緣詮真悟魚鳥魚遊豈戾天鳥飛不在
沼止水鏡波明遠山眉黛繞坐來月滿亭此境非

虛渺

偶題游魚秋水圖

魚渚澄鮮接綠蕪柳陰深處釣船孤是誰乘此濠

梁興寫出南華秋水圖

新秋日晚雨

雲疊輕羅溽暑回半黃梧葉點蒼苔湖亭小立葛
衣冷颯颯清風帶雨來

初秋月夜乘涼

誰遣寒蟬報早秋披襟待月下高樓莫愁紈扇輕
相棄尚有羅帷不肯收入夜銀河垂露白拂簷螢
火逐星流一輪朗徹無渣滓殘笛聲催綠葉愁

初秋早坐西軒

明善堂詩集 卷之十八 四
病餘早起坐西堂雨後風來劈面涼壓地濕雲飛
不去草虫聲裏豆花香

秋夕眺望

躡屐不知晚西山一望遙月華初印水鴻影欲凌
霄秋老寒砧急天空長笛飄涼風催苦草俯仰意
寥寥

秋日漫興

空水澄鮮日又曛虛堂生爽絕塵氛數聲鳴玉窻
前竹一幅輕羅石上雲境寂靜中心自得人蕭閒

處意多欣黃庭臨罷觀周易雞舌龍涎取次焚

初冬至西園

風滿園林柿葉稠蘆花萬點撒晴洲鶯藏燕去無
消息木落山空是舊遊三徑喜存元亮菊卅年不
貫長卿裘日華印水川容斂景物蕭蕭一望收

題雪上人小照卽用桂峯 廿三叔父韻

蓮社風高世莫儔詩情琴韻淡中收破塵結舍平
林外髣髴當年惠遠流

松掩溪橋滅雪痕佛光龕影認靈源閒來欲寄蒲

明善堂詩集 卷之十八
五
團穩卓錫泉邊別有村

雪霽郊行

朔風鬢發摧衰草
山遠林疎帶雪痕
驕馬嘶寒行蹀躞
慈雅相送到前村

明善堂詩集卷十九目錄

壬申

悼亡詩三十首

有序

冬日過柳菴僧舍

西軒夜作二首

歲晚同秋岑茶話

明善堂詩集卷十九 壬申

悼亡詩三十首 有序

嗚呼蘭摧蕙折悲伉儷之如新地老天荒
想音容而莫卽生離死別幻海茫茫鏡破
釵分情緣縷縷况復 高堂暮齒何堪奉
侍之無人稚子髫齡更嘆瞻依而失恃望
廬不見涕泗交流遺挂猶存淒涼欲絕魯
鼓圖存惟半半難尋續命之丹離爻中斷
竟單單愁縮同心之結哀哉蘭閨晝掩慵

明言堂詩集 卷之十九
題感舊之詩鸞鏡塵封怕見聯吟之管昔
傳王霸貧須婦以解寬載考維摩病藉妻
而調護吾生命舛中歲絃摧觸景懷人舉
目有幽明之隔無今追昔傷心同夢幻之
過貌類愁潘嬾看寶鏡情同病沈減却腰
圍溯軼事於當壚莫解文園之渴望巫山
而作賦誰工宋玉之才卅首悲吟漫效莊
生曠達數行清淚聊同奉倩神傷世有知
心當無予責云爾

合歡當日一心同地老天荒恨未窮脉脉此情空
想像泉臺無路可能通

壺德蘋蘩數女宗殷懃事上下謙恭不知天意因
何故生折鸞飛獨背儂

寂寥孤影伴幽窻愁見梁間燕一雙亭院深沉風
色靜心情感觸淚如江

無限淒清祗自知軒窻斜日下遲遲三升濁酒情
騰後得句猶疑唱和時

潛然涕下對斜暉惟見棲林倦鳥歸一點情癡原

明善堂詩集 卷之十九 二
太重自看帶眼減腰圍

髣几來凭讀我書
心情淑靜自如如
而今憶起如
如性無計將愁得破除

惟吾知爾爾知吾
此日亭亭似鶴孤
中道棄捐情
太忍 慈帷缺養况嬌雛

風光觸目總淒淒
遺挂猶存望欲迷
只有酒尊與
詩卷閒來伴我日
沉西

原思伉儷百年諧
誰料于今事已乖
此恨茫茫等
不到難窮地角與天涯

心性於今若槁灰
襟懷那似昔年開
詩成羞見南
樓雁嘹唳聲聲韻亦哀

秉姿貞淑性情真
奉養 高堂十四春
讀罷南華
齊物論詩禪畫偈倍傷神

變幻無端天際雲
緣知寂滅在音聞
獨傷泉路歸
何急憑仗慈悲默佑君

何忍重窺半畝園
料應無術返芳魂
漆燈判斷幽
明路往事思量眼欲昏

函封喜字昔同歡
檢點空闈帶淚看
涼月半床塵

明言堂詩集 卷之十九 三
共積如痴獨自坐更闌

每見庭前高下山探幽孰與共躋攀閒來憶到同
歡地空向回廊往復還

嘯歌一室更誰憐無惡於人敢怨天寂歷閨房環
珮杳生憎開到並頭蓮

五十冰絃瑟不調心情無賴鬢蕭騷中宵一枕蘧
蘧夢夢裏俄聞促早朝

瞥見窻櫺竹影交沉沉皞日射庭坳誰憐事觸頰
增感兒女關情淚自拋

塵蹤應自笑勞勞靜聽崖松似浪濤零落當年瀟
灑意那禁愁緒懶揮毫

若較前因事若何也憐病裏折還磨夜臺此日空
相憶百感紛來月上多

無聊心緒總如麻歲月空憐赴壑蛇一劍床頭相
與伴近來愁絕早回衙

九畹芳蘭作意香偏教腸斷見蘭房新愁舊怨誰
消得欲往從之路阻長

休將短夢話三生高曠應輸往日情朝罷更兼家

事積夜闌愁對短長檠

宵來瞢瞢晝冥冥莫辨情懷醉與醒憶爾持躬最
柔淑穠華轉瞬怨飄零

不諧于俗頗宜僧今似僧兮又未勝倦倚殘編消
永晝漫將塵夢證三乘

形影相依誰與儔等閒陳迹似浮漚寤言一室淒
其夜舉案無緣共若酬

夢斷天涯何處尋滿腔哀緒爲情深孤鴻失侶空
悲切無復揮絃再鼓琴

說劍題詩過午三情如秋鶴氣如嵐近來拋却新
題咏好句唯應秘枕函

殘香剩粉並空奩想像音容淚暗添安得返魂人
復覩幾回愁絕倚虛檐

瑤臺無路達書緘騎省年華鬢欲芟那得相逢重
話舊空教日日淚盈衫

冬日過柳菴僧舍

雪晴尋徑叩琳宮幾曲幽廊曙色紅欲滌塵心惟
好靜愛參佛法漫觀空飛揚野馬窓間影屈曲虬

龍林畔風何日得依山水約芒屨竹杖覓支公

西軒夜作

心如皓月意如雲燈炮閒窓夜色分獨倚西軒情
悄悄一聲鶴唳靜中聞

斗室圍爐燈色明寒梅破臘歲將更閒來欲問南
華叟覓取人間曠達情

歲晚同秋岑茶話

徙倚窓前日影移西峯積雪望迷離相知試茗心
清甚正好拈題歲晚時

明善堂詩集卷二十目錄

癸酉

園中閒感

上元後三日至栢林莊途中作二首

歸途有感

喜接 廿一叔詩和五律一首

春日齋居果王以獸炭見貽賦此奉答

春日感懷適用 廿一叔病中韻

春遊雜興四首

西軒有感二首

明善堂詩集 卷之二十一
雨窻卽事

紙鳶有製爲鶴形者見而賦之

南苑道中有憶

和題雲集觀葉煉師山房之作

再和訪葉煉師韻

石亭

西域寺

小憇

明功臣墓

水亭

賦得小窻和雨夢梨花

吟花下

晚坐寄友

初夏小飲湖畔

露坐寄友人

和益庵春城韻

園中消夏四首

薊門道中

園居書懷索友人和

雨窻感逝三首

亡內週忌感賦

園中書事二首

七夕有感

雨中漫作

初秋西軒對雨

早起見雨不止偶成

秋日登土岡極目有感

仲秋書懷

秋日卽景二首

雨窻憶秋岑

登小坡極目

杪秋西軒寫懷二首

西齋偶興寄友人

雨夜夢亡內

園中書懷東友二首

讀尤悔菴哀絃集志感

盆梅

涑水新阡葬亡內事歲歸邸詩以志感

明善堂詩集卷二十 癸酉

園中間感

舉目蕭蕭復至園林嵐拱峭總消魂同來唱和人
何在獨坐東風漠漠言

上元後二日至栢林莊途中作

肩輿返踏西園路落日疎林古道行景趣不堪回
首處風光猶似昔年情
底事衷腸淚暗淋當前景物怕沉吟關心非是痴
情重十四年來知我深

明善堂詩集 卷之二十一
歸途有感

蕭蕭古道行猶似昔年境感我素同心舉目皆如
病情傷祗自憐心懷獨耿耿更近薊門時落日西
山影

喜接 廿一叔詩和五律一首

喜接瑤華句春庭落日陰長城五字在風雅廿年
深幸得逢青眼因之愜素心幾回雜誦處簾外漏
沉沉

春日齋居果王以獸炭見貽賦此奉答

晝永齋居候幽窻日上遲雪殘明遠岫風暖漾晴
絲俄報傳芳訊相看慰所思金猊忻撥火靜對咏
新詩

春日感懷適用 廿一叔病中韻

芳塘又見柳三眠對景真同離恨天秀接遙岑呈
遠黛晴舒大陌鎖沉烟人如沈宋愁多病情共曹
徐喜續篇獨坐西窻渾不語那堪回首憶當年

春遊雜興

一林小隊踏林臯裊裊東風遠市囂吟興春來猶

未減鶯花相對喜揮毫

閒尋阡陌路迢迢無限吟情未易消帶雪晴峯浮

玉宇疎林鴉點映溪橋

一片巒光接白雲西山勝境足怡神携尊更踏經

行地倚遍闌干憶故人

拂面輕寒縷縷風寺幽人靜不聞鐘枝頭好鳥迎

人語獨倚蒼松對碧峯

西軒有感

獨坐西軒消晝永心情悒鬱負芳辰最憐光景常

如昔花落花開不見人

寂寂庭階長碧蕪無端淚湧濕鮫珠飄零香粉歸

黃土何忍還看舊藥爐

雨窻卽事

霏微小雨密如烟正是輕寒二月天閒坐西窻人

意倦含情無語憶常年

紙鳶有製為鶴形者見而賦之

不礙長空萬里晴雲中仙翮足娛情乍看似報孤

山客一縷風牽任送迎

南苑道中有憶

夕陽官道柳絲絲漫舞風前蕩漾遲村舍溪橋渾似舊那禁振觸昔年思

和題雲集觀葉煉師山房之作

黃冠野服足盤桓大隱寧誇九轉丹石室自饒山水勝匏尊應耐雪霜寒不生白髮緣鼉息煮就丹砂伴鶴餐屏却塵心仙宇靜春深芝采晒庭闌

再和訪葉煉師韻

轉眼風光已判年元都重踏景依然暖浮野陌侵

歸騎晴入遙村映暮烟烘屋桃花寧有約織春柳線漫隨緣九還一粒成猶未應識心期月共圓

石亭

山水緣曾我夙諳望中一幅小江南躋攀未得窮幽勝層疊嵐光小駐驂

西域寺

乘興精藍杖策遊山光蒼翠水悠悠風旛觸目叅微旨更有吟情對碧流

小憇

明善堂詩集 卷之二十一
四
遠近嵐光翠欲浮
片時小憩嶺雲頭
村田桃柳溪橋路
霽景從教一望收

明功臣墓

遊遍芳春又暮春
我來別藪讀碑文
曾從勝國扶王業
百戰勲勞亦伴塵

水亭

怯見東風媚柳絲
亭亭空猶憶昔年
時情同泉水流無
盡意逐春光恨却
遲着眼不堪頻寂
寂驚心只合付嘻
嘻年來非更誇才
調滿抱愁懷祇賦
詩

賦得小窻和雨夢梨花

困人天氣春殘候
一枕窻間伴雨聲
夢裏梨花开雪處
更無人解此中情

吟花下

小坐庭隅花未闌
柳迴風媚怯春殘
忘情懶見雙棲鳥
無限愁懷祇自寬

晚坐寄友

晚坐魚磯上幽懷
似水清春風吹袂
薄遠岫隔窻平縠
皺波搖漾腰纖柳
送迎郊園饒野興
得句寄

神京

初夏小飲湖畔

湖畔風清景色饒
紛飛柳絮坐間飄
誰憐瘦影同
饑鶴每有孤吟似
露蛸拂檻嶺雲生
片片穿簾銅
漏隱迢迢舊遊是
處處成陳迹無計
尊前慰寂寥

露坐寄友人

月挂柳梢頭
蓮淨黃昏後
清風林壑生
襲我衣衫
袖撫景憶昔年
轉盼雲歸岫
默坐自懷人
幾度三
秋又

和益庵春城韻

松篁風過帶輕寒
拂檻晴光滴翠鬟
無限吟情消
未得携童散步小
園山

園中消夏四首

朝罷渾無事
濃陰綠繞廬
欲消清晝永
唯讀數行
書

是處鶯聲轉
輕風颺柳絲
軒窓深窸窣
難忘昔年
思

嵐翠時依檻
蘋風透碧紗
人間方午睡
幽逕寂無

譁
踞石閒吟候林深暑不生鶉啼與蝶化莫辨幻中
情

薊門道中

陰陰夏木午風清紫翠嵐光螺黛橫猶憶昔年風
日好榴丹艾碧迥含情

園居書懷索友人和

山光潑翠水揉藍柳影參差一鏡涵清簾疎簾消
晝永此情應已勝江南

雨窓感逝

紛紛絲雨罨橫塘午夢初回枕簟涼風景朝來還
似舊一腔愁緒獨徬徨

對景無端舊恨牽愁腸哽咽聽新蟬流光一載存
亡異倚徧闌干暗自憐

塵緣轉眼等浮漚無計開襟豁遠眸雨細風輕清
晝永不知人世歲方週

亡內週忌感賦

逝水驚心歲已週空幃遺挂影還留鶉啼剩有三

明言堂詩集 卷之二十一
更恨蝶化長爲萬里遊
徒倚虛廊空獨語
淒涼往事倍生愁
婦容婦德真無忝
鴻案雖離十四秋

園中書事

小園慵掃徑三三
高樹吟蟬韻獨諳
隔斷紅塵知幾許
水雲深處結茅庵

雨後山齋乍退炎
藤床展處儘安恬
荷香瓶際支頤坐
靜挹嵐光嬾下簾

七夕有感

過隙光陰歲月流
含情無語迥添愁
人間最是傷

懷事誰忍空庭看女牛

雨中漫作

簾前瞥見雨如絲
紅蓼溪頭鶴步遲
柳葉含風迎畫舫
苔痕凝綠映青墀
涼生榻畔堪消暑
爽入窻間合賦詩
一片閒愁驅未得
呼僮漫取酒盈卮

初秋西軒對雨

蛩吟涼砌恍如村
坐雨無聊靜掩門
獨對孤燈人意懶
一聲秋笛伴黃昏

早起見雨不止偶成

明善堂詩集 卷之二十一
晨起簾前坐愁隨秋雨生短籬藏蝶睡高柳聽蟬
鳴山暗雲爲障堦空潦已平心中無限事撫景暫
忘情

秋日登土岡極目有感

山色蒼涼接素秋蛩吟四野韵偏幽不堪回首當
年事舉目蕭條淚暗流

仲秋書懷

蕭瑟西風又仲秋蛩吟斷續暗添愁祇餘書畫憑
消遣那復琴尊共唱酬天外雲飛行淡淡簾前花

落自悠悠閒來且去登樓望無限蒼涼寄遠眸

秋日卽景

爽氣橫空秋未老涼颺幾陣到堦除西軒獨坐添
幽興豁我愁懷畫與書

蛩聲唧唧伴閒心秋氣佳時思倍深無限淒清空
悵望井梧飄處獨耽吟

雨窓憶秋岑

寥寂坐西窓窗外飄秋雨愁隨蛩語長一室誰與
伍漫憶素心人百里隔烟樹朋好半淪亡有情那

明言堂詩集 卷之二十一 九
能吐

登小坡

一窻秋思飄疎雨劇喜登臨幽趣深携杖平坡閒
佇立烟雲濕壓鳳城林

杪秋西軒寫懷

朝看山色青暮看山色紫吟軒坐寂寥有憶何能
止

倚檻挹晴嵐舉頭邀素月詩酒伴閒身幽情何可
說

西齋偶興寄友人

木葉下庭除悠然自結廬閒添琴酒趣懶覺友朋
疎風雁過無影秋光靜有餘心旌搖曳處聊寄一
行書

雨夜夢亡內

宵來短夢初醒後獨擁殘衾百感生况復園中一
窻雨聲聲和淚到天明

園中書懷柬友

園亭脫木葉獨坐掩霜扉對景情自傷扶童向夕

明言堂詩集 卷之二十一
一
暉知己半凋謝感舊常心依舉以示良友莫或相
睽違

寒月照池亭朔風吹衣透柝聲出垣遲竹影篩窻
瘦遣愁憑尊酒酒醒覺愁又挑燈成短吟聊復當
邂逅

讀尤悔菴哀絃集志感

篝燈寒夜未成眠往復哀絃詩一編可嘆西堂老
才子也爲同調足堪憐

盆梅

盆間列梅石石瘦梅不孤饒有山林氣羅浮得似
無

涑水新阡葬亡內事葢歸邸詩以志感

松楸百里遙相隔回首雲封掩墓門華表鶴歸空
灑淚泉臺燈燼怯招魂傷心怕見孤飛雁失侶愁
看交頸鴛此日淒清頻悵望宵深獨坐怨黃昏



